

BAPTIST CHURCH OF MIZORAM SALEM




**TUALCHHUNG KOHHRAN
INENKAWLNA DAN**
(2020 REVISED EDITION)

THUHMARUAI

Baptist Kohhran Salem chuan Kohhran kalphung leh inenkawlina alo fel zawk theih nanTualchhung Kohhran bika hman tur Inenkawlina dan tesep siam thain a hria a. Kohhran Committee chuan ngun taka a ennawn leh vek hnuin tun ami ang hian a lo siam chhuak ta a ni.

Heng dan siamte hi a famkimin a fel vek lovang tih chu a rinawm a. Tin, a thente phei chu kan hman reng laite a ni a, tichuan, Kohhran Committee chuan tun ami ang hian a lo pawm ta a ni. Kohhran memberte leh Fellowship hrang hrangte, heng danin min huap chinah chuan tha taka zawm theuh turin ngen kan ni. He dan hi 15th May, 2011 atanga hman tan a ni.


(Upa C. Rokima)
Secretary


(Upa C. Chalhira)
Chairman

Dt 2nd June, 2012

THUHMAHRUAI - II

Kohhran Inenkawlina dan tesep kan hman mek lai chu tih danglam tul a awm nual ni a hriat anih avangin Kohhran Committee chuan a bu puma ennawnin siamthat ngai leh belh ngaite siamthain tun ami ang hi duan chhuah a lo ni leh ta a ni.Kohhran hnuaia Fellowship hrang hrang leh Sub-Committee te pawh heng danin min huam chinah chuan tha taka zawm theuh turin kan inngen a ni.Heng dan thar siamte hi Dt 14.6.2013 atanga hman tan a ni.



(Upa F.Lalhlira)
Chairman



(Upa PC Lianbuanga)
Secretary

2020 REVISED EDITION

UPA LEH RAWNGBAWLTUTE PHONE NUMBER.

Sl. No.	Name	Phone No.
1	Upa B.Lalkhuma	9436370394/8729845979
2	Upa C.Chalhira	9436763235
3	Upa C.Challianbuanga	9436371461/ 9612028734
4	Upa C.Nghakliana	8974310962
5	Upa C.Lalhmimgmuana	9436142389 8259818411
6	Upa C.Rokima	9436777519 8415051778
7	Upa C.Saihmimgliana	9436147342
8	Upa F.Lalhira	9615376238 / 8414013916
9	Upa F.Lallianzara	9436147842 / 8794868824
10	Upa F.Lalrinthanga	6909915482 / 8794267095
11	Upa JC Thangvuana	9862686856 / 7005844016
12	Upa K.Dengdailova	8575886132 / 7005576156
13	Upa K.Kaphranga	8974350213 / 8257014142
14	Upa K.Lalduhawma	9436157543 / 8014208545
15	Upa K.Lalhmunsanga	8014557721/8794330834
16	Upa K.Lalremkima	9615621682
17	Upa K.Lalrohlua	9436157028 / 8256959355
18	Upa Lallungkhama	9436390807 / 6009239354
19	Upa Lalramliana Colney	8974180767
20	Upa Ngentluanga	9436964738 / 8787811930
21	Upa PC Chuauhnuna	7085699629 / 6009515309
22	Upa PC Lallianzara	9436370180 / 8974114563
23	Upa PC Lianbuanga	9436783723

Sl. No.	Name	Phone No.
24	Upa PL Lianzuala	8415050607 / 8257905956
25	Upa V.Kaplana	9612131415(Marini)
26	Upa ZH Ropuia	9436140379 / 9612670540
27	Rev F.Lalhmingthanga	9612394302
28	Rbt B.Sangsiamia	8729943578
29	Rbt B.Vanlalthuama	9436157388
30	Rbt C.Laldingpuia	9436371346/7005801065
31	Rbt JC Zosanga	9436193901
32	Rbt Lalduhawma Chhakchhuak	9436147054 / 7642817603
33	Rbt Lalmuanzuala	9862838513
34	Rbt Lalnuntluanga	9612769809
35	Rbt PC Nundanga	9436781749 / 8787503241
	Lalmama, chowkidar	9366243147/7640996761

BUNG 1

CHHIAT TAWH LEH DAMLOH CHUNGCHANG

A. Chhiatni a Biak In khar chungchang

1. Kan Kohhran member thi an awm a, ruang awm lai chuan inkhawm loh tur a ni.
2. Hlamzui-ah erawh chuan inkhawm thulh loh tur a ni
3. Kan Kohhran member ni kherlo pawh Salem VC huamchhungah mitthi an awm chuan ruang awlai chuan inkhawm loh tur a ni. Hei hian zing tawngtai inkhawm pawh a huam ang. Hmun danga ruang kalpui tur anih erawh chuan inkhawm thulh phah loh tur a ni.
4. Khual khuaa thi, ruang la thleng hmanlo Salem a vui tur pawh nise, inkhawm thulh loh tur a ni.

B. Inralna, insunna leh insawngbawl chungchang.

1. Kan Kohhran member thi te chu kohhran hmingin kuang chungah pangpar dah thin a ni ang.
2. Kan Kohhran member thite chu an thihni atanga Pathianni hmasa ber zing inkhawm ah Biak Inah sunna neih thin a ni ang. Zirtawpni leh Inrinni a vuite erawh chu a karleh Pathianni zing inkhawmah sunna neih thin a ni ang.
3. Kan Kohhran member thite vuina programme hi Kohhran OB leh chumi thlaa Deacon ten an siam thin ang a, Bialtu Pastor a awm chuan sawm bawk tur a ni. Ralna programme pawh an siam nghal ang. Inral hun hi zan li naah neih thin tur a ni a, hemi hun hi a remchang lo anih chuan hun remchang hmasa ber ruat tur a ni. Fellowship ten an ral ve dawn anih chuan Kohhran ral hunah hian an ral ve thin tur a ni. Inralna hi Rs 5,000/- a ni ang.
4. Kan Kohhran member - Pastor, Missionary leh hnathawhna avanga hmun danga awmte chhiat an tawh a, kan Kohhrana vui an nih chuan member pangngai anga sawngbawl tur an ni ang.
5. Kan kohhranah mitthi an awmin Pathianni hmasa berah khawhar inah hruaitu inruat thin tur a ni.

6. Ruang ni-ah hian zingkar leh chhunah a ranglama zai anih theihnna Deacon ten khuangpu turte an ruat anga, bul an tanpui thin ang.
7. Lumen zan tantirah Deacon ten tawngtaia hun hman thin nise.
8. Hlamzuih chungchang chu Mizoram Baptist Kohhranin inkaihhraina a siam anga hman ani ang.
9. Temporary member thi an awm a ruang kal chhuahpui anih chuan kohhran hmingin kuang chungah pangpar dah a ni ang a,tawngtainaa thlah a ni ang. Tualchhunga phum anih chuan kohhran member pangngai anga sawngbawl a ni ang.

C. Upa leh Rawngbawltute chungchangah

1. Minister/Upa/ Rawngbawltu thi an awm chuan Kohhran Committee hmasa berah ngawi renga dingin sunna hun hman thin tur a ni.
2. Minister/Upa/ Rawngbawltu zinga mi an thihin Upa leh Rawngbawltuten ral thin tur a ni a, ralna atan Frame a thuziak leh Holy Bible pek an ni ang.
3. Minister/Upa/Missionary te an thih a Biak ina inkhawmpui anih chuan kohhran aiawhin mi pakhatin kuang chungah pangpar dah nise,kuang hnunglamah Upa

leh Rawngbawltute hi thut thin tur a ni. Tlar hmasaah Kohhran OB leh kum lama upate thut thin nise. Incheina pawh uluk deuhvin, kawrchung leh necktie nen inthum nise.

D. Damlohna leh chhiat tawkte tanpui dan.

1. Kan kohhran member damlohna avanga damdawiin a awmte chu Rs 500/- a tanpui a ni ang.

2. Zai (operation) tawka damdawiin a admit te chu Rs 2000/- a tanpui an ni ang.

3. Natna khirh bik eg. Cancer, Kal thlak, Dialysis tih ngai reng, adt chu Rs 3000/- a tanpui theih an ni ang a, an nat dan leh dinhmun a zirin thla thum danah ennawn a Rs 1000/- a tanpui theih an ni ang.

4. Damlohna avanga Medical Board in Mizoram pawn a refer te chu damdawiina an awm chuan Rs 3000/- a tanpui theih an ni ang.

5. Kan Kohhran member chhiat tawktaw – Kangmei/Leimin/Thlipui /Accident adt., an awm anih chuan Kohhran Committee in

Emergency Meeting neiin tanpuina pek theih a ni ang.

BUNG 2.

KOHHRAN BUNGBEL LEH PROPERTY :

A. Property hawh theihthe leh hawh man

SI No	HMING	NEIH ZAT	HAWH MAN (Ni 1 ah)
1.	Leihlawn sei	1 no	Rs 20
2.	Vibrator	1 no	Rs 100
3.	Cement plate	7 nos	Rs 5
4.	Jack Hammer	1 no	Rs 300
5.	Hruizen	1 no	Rs 20
6.	Tuboh (4 kg)	1 no	Rs 20
7.	Apron set	59 nos	Rs 5
8.	Baltin (Aliminium)	9 nos	Rs 5
9.	Buhtlei (Steel)	78 nos	Rs 2
10.	Buhtlei (Thing)	14 nos	Rs 2
11.	Belpui & Dekchi	2+36=38nos	Rs 20
12.	Chaicheh (Tong)	23 nos	Rs 2
13.	Chawei thleng (Ordinary & Chamber)	412+1149	Rs 2
14.	Fianpui	5 nos	Rs 5
15.	Fianpui awng	8 nos	Rs 5
16.	Food warmer	13 nos	Rs 20
17.	Gas thuk	8+1=9	Rs 50

18. Hook		Free
19. Hot pot	3 nos	Rs 50
20. Ketli/chawhtawlh/Bucket	5/4/5 nos	Rs 5
21. Sum te(Alu&Thing)	3 nos	Rs 5
22. Tea urn	9 nos	Rs 50
23. Thingpui in no	217 nos	Rs 1
24. Tea tray	7 nos	Rs 5
25. Thirbel	4 nos	Rs 10
26. Chawhtawlh lian	6 nos	Rs 10
27. Tuizem(chaw khawrh sa dahna)	4 nos	Rs 20
28. Vawk tul	2 nos	Rs 10
29. Chawei dawhkan (lian)	18 nos	Rs 10
30. Thutthleng sei	103 nos	Rs 5

B. Bungraw hawh/hman theih hun chhung.

Chhiatni ah bungbel leh thutthlengte hman anih chuan ni li leh zan li chhung man chawi lovin hman theih a ni ang. Hemi bak an la mamawh anih chuan Property Secretary hnenah hriattir tur a ni. Kohhran inkhawm leh Sunday School tibuai lo turin a hmangtuten hman tur a ni a, a dah fel leh pawh a hmangtute mawhphurhna a ni. Inneih, Pass lawm, Birthday lawm leh Lungphun adt., a tha lam thilah chuan ni hnih leh zan hnih hawh theih a ni ang. Hei aia rei an hawh emaw an kawh emaw anih chuan ni khat leh zan khat

zelah Rs 50/- an bungraw kawl zawng zawng atan an chawi belh ang.

C.Bungraw hawh theih huam chin

Kohhran bungrua te hi Salem VC huam chin bakah chuan kan Kohhran memberte chauhvin an hawh thei ang.

D.Tihchhiat/Tihbo chungchang

Bungraw hawhtu-in eng bungrua pawh a tichhia/tibo anih chuan a tihchhiat siam man emaw,a thar emaw, a thar man emaw a chawi ang.

E. Bungraw hawh chungchanga hriat turte

1) Kohhran bungraw hawh tur chuan an hawh duh zat leh hawh turte ziakin Property Secretary hnenah dilna an thehlut hmasa tur a ni.

2) Bungraw hawh turte chuan an hawh dawnin a man an pe hmasa tur a ni.

3) Kohhran pawn lama rawngbawlnaa hman duhna a awm chuan Kohhran Committee in a ngaihtuah ang.

4) Kan Kohhran nilo, chhiat tawkte tan thutthleng (bench) hawh phal a ni.

- 5) Kan kohhran member nilo, a chenpuite kan kohhran member an nih chuan kohhran bungrua hman phal a ni ang.
- 6) Bungraw hawh turte hi an hmanna tur a zirin phalsak loh theih an ni ang.
- 7) Sacrament No, Tray leh Property dang tarlan lohte hawh chhuah chungchang chu Secretary thuneihna a ni ang.
- 8) Kohhran Dan puitlinga nupui/pasal nei chuan kohhran bungrua a thlawnin an hmang thei ang.

BUNG 3.

BIAK IN CHOWKIDAR CHUNGCHANG :

A. Chowkidar lak dan tur.

1. Kohhran Committee in tha a tih chuan Biak In Chowkidar tur hi Advertisement siamin a la thin ang. Advertisement siam lo pawhin a mi it zawng chu a la thei ang.
2. Chowkidar atan chuan awmchilh thei ngei a ni tur a ni.

B. Qualification.

Biak In Chowkidar hna diltu chu Baptist Kohhran mi, dan zawh kim, zuin lo, nulat tlangval kawnga mi invawngfel, Pathian rawngbawlina ngaipawimawh mi a ni tur a ni. Ruihtheih thilah a inhnawhawh tur a ni lo

C. Term

Chowkidar hi kum hnih (February - January) chhung atan lak thin tur a ni. Kohhran committee in a tul dan a zirin a extend thei ang.

D. A dinhmun.

1. A awmdan leh hnathawhah Kohhran Committee in lungawi lohna a nei anih chuan a term ral hma pawhin a ban thei ang. Committee in a tul angin a zilhin emaw a enthlak hnu a mit tlunglo chu ban tur an ni. Ban anih chuan a thawh chin chiah hlawh pek a ni ang.

2. Hun rei deuh thangbo tur anih chuan Kohhran Secretary a dil hmasa tur a ni. Chutiang hunah chuan a aiawh midang thawktu a dah tur a ni. Tin, damlohna avanga a duty a tih theih dawnloh chuan Kohhran Secretary a hrilh tur a ni.

3. A thawh hunbi kim hmaa ban a duh chuan, a ban hma thla chanve (ni 15) a la awm tihin Kohhran Secretary hnenah banna a thehlut tur a ni.

4. Heng a tarlan loh thil tul bik a awm chuan Kohhran Secretary a hriattir thin tur a ni.

E. Hlawh/Lawmman.

Chowkidar hlawh/Lawmman chungchang hi Kohhran Committee in tul leh tha a tih angin a ngaihtuah thin ang.

F. Chowkidar mawhpurhnate.

Tih turte.

- 1) Kohhran bungrua enkawl leh vawn himah mawh a phur ang a, a enkawl felin a fai tur a ni.
- 2) Inkhawm, Inneih inkhawm, Khawmpui lian leh programme pawimawh dangah dar a vua ang.
- 3) Biak In kawngka leh tukverh te hawn leh khar a kutah a awm ang
- 4) Biakin chhung leh a bul hnai vel leh Hallte a tifa thin ang.
- 5) Kohhran bungrua hawh anihin an hawh zat a chhinchhiah thin ang.
- 6) Biak In a hlawhfa chhawr anihin thingpui a lumsak thin ang.
- 7) Biak In leh a compound vantlang tan kaltlang mai theih lohvin a vawng him ang.
- 8) Committee kohna sem, Tui & Electric bill pek leh Gas.,adt lak te a ti thin ang.

- 9) Committee room leh Hall hrang hrangah Fellowship leh Sub committee ten meeting an neihin a tul chuan thingpui a lumsak ang

Tih loh turte

- 1) Ama thuin Kohhran bungrua reng reng tumah a hawhtir tur a ni lo.
- 2) Biak In compound ah ran vulh phal a ni lo.

BUNG 4. INNEIH CHUNGCHANG

A. Thilpek

Kohhran Dan puitlinga innei kohhrana an awm thin hi a lawmawm a, kan Kohhran member Dan puitlinga nupui/pasal neite chu lawmpuina Rs 3000/- pek an ni ang a, kan kohhran member ve ve innei an nih chuan Rs 6000/- pek an ni ang. Lawmpuina thilpek hi Kohhran leh Kohhran hnuaia Fellowshipten Biak In chungah, inneih inkhawm naah pek a ni ang. Mimal leh Pawlho thilpek pe duh an awm chuan Joint Reception-ah emaw, inneih inkhawm ban thlalak hmain hlanna hun siam a ni ang.

B. Biak In hman chungchang

1. Inneih Inkhawm bana Mo theh ah hian lehkhawmawi cheh nawi leh a mum chi te hi hman phalloh a ni a, a spray chi chauh hman phal a ni.

2. Kan kohhran member kohhran hriatpuia inneite tan Biak In compound ah ruaitheh theih a ni anga, a hman man Rs 2000/- a ni ang.

3. Biak In compound ah erawh chuan eirawngbawl phal a ni lo.

4. Ruaitheh nan kohhran bungrua - Food warmer, thleng, no, chawhtawlh leh fiante a thlawnin an hmang thei anga, food warmer a hman tur spirit leh steelwool chu an intum ang. Heng bungrua hmante hi kohhranin a tifi ang.

5. Ruaithehna hmun atan Biak In verandah tih loh Hulhiap leh hall hrang hrangte hman phal a ni.

6. Ruaithehna hmunhma hi a hmangtu ten tihfai leh vek tur a ni.

7. Disposable cup & plate hman phal a ni ang, a hmangtuten an hman zawhah hmundangah an senghawi fel nghal vek ang.

C. Joint Reception hmangturte tan.

1. Joint Reception Biak In Hall a hmangturte chuan Kohhran Secretary hnenah dilna siam tur a ni

2. Joint Reception hman hun chhungin Mo leh a pasal an awm reng tur a ni.

3. Joint Reception hmangturte chuan Thingpui lumna Gas/thing an intum ang.

4. Tlai lam Mo hruai tibuai lovin Joint Reception hi hman tur a ni.

5. Joint Reception hmangturte chuan an tihhnawk an tifaileh vek tur a ni.

D. Dantea innei turte tan

1. Dantea inneite chu Biak In chhungah thla an lak phal a ni lo.

2.Dantea innei ten inneih lawmpui tura kohhrante an sawm anih chuan Biak Inah puan remtih a ni.

3.Dantea innei te chuan Biak In Hall an hmang thei ang

BUNG 5.

SOUND SYSTEM, MUSICAL INSTRUMENT LEH PROJECTOR CHUNGCHANG:

1. PA Set/SOUND SYSTEM :

a) Biak In chhung, Gospel Centenary Hall leh Hall No I a hman laite hi, hmun danga hman leh kenchhuah phal a ni lo. Kohhran leh Fellowship programme lian thamah, Biak In hungchhunga hman a tul a nih chuan Kohhran Chairman, Secretary Worship & Music Comt OB te hriatpuina in hman theih a ni ang. Hman zawh veleh a hmangtu in a ngai angin a rem fell eh vek tur a ni ang.

b) Store room a dahthat te erawh hi chu, Kohhran hnuaia Fellowship leh Sub committee ten rawngbawlinaah hman a tul anih chuan, hmun dangah pawh an hman/ken phalsak a ni ang a, Kohhran Chairman leh Secretary an hriattir hmasa

tur a ni. Ken chhuah tur chu Worship & Music Committee in rem a lo ruatpui thin ang.

2. MUSICAL INSTRUMENT :

a) Keyboard:

- i) Biak In chhunga hman lai, KORG Pa 300 hi hmun danga lak chhuah loh tur a ni Amaherawhchu Kohhran zaipawlten rawngbawlina pawimawh bik an neih dawn chuan an keng chhuak thei ang a inkhawmnaah a aia hman tur an ngaihtuah ang.
- ii) Keyboard dang, Hall hrang hranga dahte hi chu , Kohhran hnuaia Fellowship leh Sub committee leh zaipawl ten rawngbawlina hman a tul anih chuan, hmun dangah pawh an hman/ken phalsak a ni ang.
- iii) Kan kohhran member thi an awmin, lumen leh khawhar lenpuinaah hman a tul anih chuan hman theih a ni ang.

b) Drum set :

- i) Electronic Drum set : Roland TD 15K hi Kohhran hnuaia Fellowship, Sub-Committee leh Zaipawlten rawngbawlina-ah hman a tul anih chuan, hmun dangah pawh an hman/ken phalsak a ni ang. Drum set hi power supply leh UPA/Stabiliser mumal tak

nenahman thin tur a ni ang. Hmundanga ken chhuah anihin a phurh velnaah him taka pack thin tur a ni.

ii) Acoustic Drum set : Kohhran hnuaia Fellowship, Sub-Committee leh Zaipawltin rawngbawlna-ah hman a tul anih chuan, hmun dangah pawh an hman/ken phalsak a ni ang. Hmundanga ken chhuah anihin a phurh velnaah him taka pack thin tur a ni.

c) Bass Guitar leh Combo :

CORT Bass Guitar emaw, Ibanez Bass Guitar (Biak Ina hman lai nilo) te hi kohhran hnuaia Fellowship, Sub-Committee leh Zaipawltin rawngbawlna-ah hman a tul anih chuan, hmun dangah pawh an hman/ken phalsak a ni ang.

d) Acoustic Guitar : Ibanez Acoustic Guitar hi Kohhran hnuaia Fellowship, Sub-Committee leh Zaipawltin rawngbawlna-ah hman a tul anih chuan, hmun dangah pawh an hman/ken phalsak a ni ang. Hmundanga ken chhuah anihin a phurh velnaah him taka pack thin tur a ni.

e) Khuang : Chhiat tawkte inah lak theih a ni anga, chutiang hunah chuan Biak In inkhawmnaa hman lai nilo lak tur a ni.

3. PROJECTOR : Kohhran leh a hnuaia Fellowship leh Sub-committees ten an hmang thei ang a, rawngbawlna atan an keng chhuak thei bawh ang. Lunglawn Pastor Bial chhunga bial huap programme ah chuan hawh chhuah theih a ni ang. Projector hmang tur chuan Kohhran Secretary an dil hmasa ang. Bial huap programme a hawh anihin nikhat atan Rs 500/- a ni ang.

Heng hmanrua te hi a hmangtu ten uluk leh dim taka hman thin tur a ni a, an hman zawhah a dahna ngaihah fel taka dah tha lehin, tihchhiuat palh emaw, chianglo palh emaw a awm anih chuan, Worship & Music Secretary hriih hriat thin tur a ni ang.

BUNG 6.

INKHAWM DAR VUAK HUN :

1. Zinglam : Dar 9:45 ah dar vuak a ni ang a, dar 10:00 ah tan a ni ang. Amaherawhchu Hunpui bik Krismas, Kumthar, Missionary Day leh Good Friday ah te dar 10:30 ah dar a ri

ang a, Palm Sunday, Easter Sunday leh
Krismas Prog. hman tan atanga Kumthar
Sunday School kai hma Pathianni thlengin
zing dar 10:00 ah dar vuak a ni bawk ang.

2. Zan lam

February	- 6:30Pm
March - April	- 6:45Pm
May - July	- 7:00Pm
August - September	- 6:45Pm
October	- 6:30Pm
November - January	- 6:15Pm

3. Zing tawngtai inkhawm

October-March	- 5:30Am
April	- 5:15Am
May - July	- 5:00Am
August - September	- 5:15Am

BUNG 7.

INENKAWLNA DAN DANGTE :

A. Committee room/Hall hman chungchang
Kohhran hnuaia Fellowship ten Committee
Meeting/inpawlhona an neih rual theih thin

avangin, Committee room / Hall hman chungchangah hetiang hian dan siam a ni.

- 1.Kohhran Committee in a hmang duh anih chuan pawl dang tan hman a rem lovang.
2. Committee Meeting/Inpawlhona hmun inkoh thuah a awmloh nan Kohhran Secretary hriattir hmasak tur a ni.

B. Sub-Committee chungchang

1. Kohhran hnuaia Sub-committees, BCM Constitution in a tarlante chu BCM Constitution angin hruaitu(OB) thlanna pawh kalpui ur a ni a, Constitution a awmlo te chu Kohhran Committee in tha a tih angin hruaitu thlanna a kalpui ang.
- 2.Sub-Committees Para Church Ministry hnuaia awmte(Bible Society, TLM, adt.,) chu committee member tur Kohhran Committee in a thlang chhuak anga, chumi Committee chuan Kohhran Committee hriatpuiin OB a thlang thin ang.
- 3.Para Church Ministry hnuaia Sub-Committees te hian Planning leh Budget Kohhran Committee pawmpui sa an neih thin loh avangin, Kohhran chhunga an hmalak tum dan leh sum thawhchhuahna

turah Kohhran Committee remtihna an la hmasa thin tur a ni.

C. Fellowship/Sub-Committee kaihhruaina

1.Kohhran hnuaia Fellowship/Sub-Committee te an Planning leh Budget kohhranin a pawmpui bakah sum thawhchhuah tur leh senso hautak tur thilah chuan Kohhran Committee remtihna tel lovin, anmahni thu-a hmalak phal a ni lo.

2.Planning a awmlo, hmalakna tur a awm anih chuan Kohhran Committee ah an thlen ang a, Kohhran Committee in a remti emaw, a hnawl emaw thei ang.

3. Kohhran Committee remtihna lovin Fellowship/Sub-Committee ten Kohhran chungchang ngaihtuah turin Joint Meeting an koh phal a ni lo.

4. Fellowship/Sub-Committee te Kohhran dang/Bial pawn a an fehchhuah dawnin Kohhran Committee anhriattir hmasa thin tur a ni.

5. Kohhran hnuaia Fellowship/Sub committee ten inkhawm leh fellowship nan nilo, thildanga Biak In compound hman an duh chuan kohhran committee an dil tur a ni.

6. Fellowship/Sub committee ten kohhranin report form a siam hmangin kumtawpah an pawl hmalak na report Kohhranah an thehlut thin ang.

D. Missionary tanpui chungchang.

1. Kan kohhranah Missionary Furlough Deputation Programme hmang an awm chuan hetiang hian tanpui an ni ang.

- a) Appeal nei an nih chuan an appeal neih atan Rs 10,000/- leh anmahni hman tur Rs 5,000 a vaiin Rs15,000/- pek thin tur a ni.
- b) Appeal neilo te pawh Rs 5,000/- a tanpui thin tur a ni.
- c) Kan Kohhran atanga chhuak Missionary Furlough hmangte kan Kohhrana furlough programme hmang kherlo pawh Rs 5,000/- a tanpui thin nise, kan Kohhranah programme siam sak ngei nise.

2. Kan kohhran member, missionary a kal turte chu kohhranin Rs 5,000 in a tanpui thin ang. Hei hian short term, voluntary leh a ngheta thawkte a huam ang.

3. Missionary tupawh Kohhran Committee in tanpui tul nia a hriat leh tanpui ngai a tihte chu tha a tih angin a tanpui ang.

E. Worship Service chungchang.

1. Inkhawm hruaitu (Leader) hi Deacon-a ruat Kohhran Upaten an inhman chhawk ang.

2. Inkhawma thilpek chu a khawntuten an dinpui fel hnuah hlan a ni ang.

3. Nilai zan leh Inrinni zanah te Worship Leader awm lovin hun changtu in a hmang nghal thin ang.

F. Deacon chungchang.

1. Deacon te hi kumtin an group sawi danglam thin tur a ni.

2. Deacon te hian zing tawngtai hun hmangtu tur leh tawngtai thupuite an siam thin ang.

3. Deacon te hian an Deacon thlaa chanvo hrang hrang neite ko khawmin infuih thin tur a ni.

4. Deacon te hian Krismas, Kumthar & Good Friday zaikhawm programme an siam thin ang a, programme ti hlung tur leh ti hlawhtling turin theih ang angin hma an la ang. Tin, Dan

putlinga innei an awmin a tul angin mawhpurhna an la ang.

5. Chhiatni-ah OB leh Deacon ten mawhpurhna an la ang

G. Hun inpek chungchang.

1. Hun changtuin mahni hun an hmang thei dawnlo anih chuan Deacon te hriattir tur a ni a, annin hun hmangtu tur chu an ruat thin ang.

2. Mahni hun duhsak zawngte (Preaching list a tello) pek tum chuan BCM Constitution in Pulpita lawn thei a a ruatte chauh hun pein, hun pek hmain Secretary a hriattir hmasa ang a, anin thutlukna a siampui ang.

3. Hunpuiah mahni duh thuin mahni hun midang pek phal a ni lo.

H. Kohhran Upa pem pawm thu.

Kohhran Upa hmundang atanga kan kohhrana lo pemte chu lawmluh ni atanga thlaruk (6) hnuah an chungchang ngaihtuah theih a ni ang.

I. Nau hlan chungchang.

Nauhlan hi thla thum (3) dan zelah neih thin tur a ni. Bialtu Pastor-in a hlan thin ang a, Pastor a remchan loh chuan Inkhawm hruaitu (Leader) in a hlan thin ang.

J. Kohhran Library chungchang.

1. Librarian atan hian Kohhran Asst.Secretary ni lai apiang an tang zel ang.

2. Library tih changtlun nan kumtin Rs 3000/- man hu aia tamlo lehkhabu tha leh rotling lei thin nise, Rs 3000/- bak hman tulna a awm anih chuan Kohhran Committee in rel thin tur a ni.

3. Lehkhabu lei tur duhthlan chungchang leh a lei chu Kohhran Librarian leh Asst.Treasurer mawhphurhna a ni ang.

K. Dan ennawn thu

Tualchhung Kohhran Inenkawlina dan hi Kohhran Committee in tul a tih hunah ennawn thin a ni ang.